

畏廬先生著

蜀鵲啼傳

商務印書館印行

853.6
261-3
2



3 0607 6044 8

蜀鵑啼傳奇目錄

第一齣

雲約

第二齣

訪柳

第三齣

遊雲

第四齣

餞柳

第五齣

憤奸

第六齣

哭血

第七齣

團圓

第八齣

抗檄

第九齣

羅挑

第十齣

周愿

第十一齣

圍署

第十二齣

罵賊

第十三齣

殉親

第十四齣

戕教

蜀鵑啼傳奇 目錄

~~05382~~
215627

第十五齣

滿議

第十六齣

杭警

第十七齣

鞠囚

第十八齣

羅閣

第十九齣

斬德

第二十齣

弔柳

蜀鵲啼傳奇

長廬居士倚聲

第一齣

雲約

末拈上

（江水兒）

撇下鄉園去

來看兩浙山

蹤落落誰拘管
碧澄澄覺得湖波暖

閃


絲絲乍見葑芽短
鎮日銷磨吟琰

強把

愁寬爭奈湖上
春光垂晚

少年曾讀五車書
雀籙雞碑儘獵漁
老去

西泠憑遊覽
時時來上藕香居
卑人連書



表字慰悶。東越人也。生平冷癖。題起做官
兩字。如同惡病來侵。說到交友一途。即便
拚命無惜。生平諍友六人。一爲王薇庵。一
爲高媿室。一爲林迪臣。一爲周辛仲。一爲
王楨臣。一爲壽伯荋。薇庵。辛仲。楨臣。都已
下世。近蒙迪老媿老見招。掌教東城講舍。
日與西湖密邇。匪日不遊。天哪。天哪。連慰
悶幾欲埋骨是間矣。今日媿老書來。言有
蜀人吳柳村。將回壬酉。安約遊雲栖。須索

一往也

(月上海棠) 屢寄語 跨山傍水雲栖去 趁朝曦
破曙 耐冷上籃輿 分付 小駐六和高塔
下 問他梵村三月楊花路 一轉修篁 便
聽鐘魚 管取佛地消停處(下)

第二齣

訪柳

外替上(月兒高) 水巷湖田 綠意近還淺 聞說
蓮池墓 松篁無限 且趁春光 楊花鬪人

健

況有那兩三詩老 醉餘劈吟箋

下官吳德繡表字柳村高堂一母膝下兩男出宰西安經歲近與林迪臣太守同商公事奉差來到杭州幸公事句當已了聞連慰問自閩入浙此老興致不淺恨我不曾相見前已飛書高媿室招彼同遊雲栖未知到否今且入內少待

(盧下)

(小生上)一時餘興徒拚酒三月殘春尙戀人卑人高鑄龍表字槐室蒙柳村見約挽同

連慰問往遊雲栖。與訂在柳村寓中相見。我不免先訪柳村罷了。到此已是。（通刺介。）
貼（也）啟爺。杭府高師爺來拜。（外）有請。（相見介）
（外）先生起得好早。（小生）柳公真好興致也。
乍聞迪公言。朝廷已立大阿哥。樞府諸老。
有廢立之議。宗武地持之尤力。迪公本爲
宗氏門生。奮髯抵几。以爲謬舉。看看與座
主絕交了。我思內中必有一場大亂。如何
是好。（外）立儲何嘗非是。但不應有廢立之

心天祚國家。或無此事。我輩且看春光。
(鑾江令)煩惱多。逐處名山暫消遣。鞋兒踏得
破。轎兒坐得遠。五里十里。一笠斜陽蔽
兩肩。此去修篁裏。且饗伊蒲饌。
慰老胡久不來。俺且到裏邊小坐。(下)

第三齣

遊雲

上末(夜行船)水木清華煙景膩。不覺又碰上芳菲

山轎着寒

春衫經日

飛過白鷗三四

今日往訪柳村。繞道出湧金門入錢塘門。
湖上春光一發可愛。到此已是不免叫門。
〔雜〕是誰叩門。〔末〕連慰問來訪。〔內〕有請。〔小生〕
慰問來何晚也。此爲柳公爲爾介紹相見。
〔末外〕相揖介。〔末〕柳公書名詩筆傳遍杭州。
今日天緣得瞻風采。〔外〕豈敢慰公名滿天
下。未敢冒昧奉謁。今得媿老爲紹。我吳德
繡可謂直登龍門矣。〔末〕好說好說。〔小生〕不
必客套。就此登程。〔繞介〕

生小（望遠行）輕風晴日 過徧東阡西陌 （外）一路

黃鸝 下上樹間千百 末隱山小塔深紅

欹水孤帆片白 （合）抬望眼龍山橫碧

外 哪哪。汝看轉過梵村。已萬竹掃天來也。

小生 蓮池大師墓下。高杉入雲。更行里許。

卽是僧寺。寺中無可隨喜。我輩且入盥嗽。

小坐移時。再出遊歷山間。 （合）有理。

山行多半爲尋詩。小生 一碧連雲竹裊絲。 （外）

自慶年來多眼福。 末 不關頂禮向蓮池。 （合）

第四齣

餞柳

彭場
庵上
懸匾

(丑)

(普賢歌)

西湖遊客不時過 僥倖幫閒

有老婆 叩門也叫我 索茶也叫我 究竟
洋錢得幾多

自家是彭大人祠堂一个祠丁。娶了二婚
渾家。頭毛不上八根。生了七歲小兒。耳朵
只有一箇。論看家本事。除却打馬屁。沒有
工夫。問養老珍饈。飽了小芋頭。別無長物。

枉說西泠風物。不過水水山山。偶逢北地
胭脂。只算紅紅綠綠。人爭攬勝。我但要錢。
今日杭府裏高師爺要請西安縣吳老爺
喫飯。我不免叫出渾家一同打掃。豫備廚
子動手。哈哈。我夫婦今日又碰見肉腥了。
快活快活。_下

小生
同上
末

(集賢聽黃鶯)

名山作態巧送青。把玉樣爲

屏

(小生)更與山靈新約訂。願他年死葬西

泠

(末)吾曹僻冷。恐沒箇乖人能省。
(小生)

太伶俗 天然態段 那是爲詩名

（小生）請了。（末）請了。已到湖邊。就此盪舟向
三潭印月去也。尙有一事。未知行廚都已
備否。（小生）一一摒擋。不勞費心。（末）如此偏
勞媿室了。（小生）好說。（盪舟介）

（畫眉序）（末）冶柳漸藏鴉 一葉舟來更瀟灑 （小

生）趁湖波近遠 恣儂閒耍 （末）新荷畔兩兩

垂綸 老樹外陰陰繫馬 （末）杭州節候剛三

月 搖過落花亭榭

噫。已到三潭印月矣。舟子停橈于此。（外突

出介（小生末驚訝介。柳公你何時到此。乃

先主人而至。吾輩開罪多矣。（外吾破曉卽

來。故出二君意外。（彼此大笑介。徐步過橋

同入彭庵介。（未坐介。小生。今日迪公亦擬

同來。以朝事紛亂。怒不可遏。二頰通紅。吾

甚防其病。無奈孤忠耿耿。自恨不久居御

史台。動招參端剛。徐崇誤國。此老薑桂之

性。真令人佩服無已。（外兩宮構隙已非一

日端王好勇喜兵。而剛毅目不識丁。焉知
大體。朝局早晚必變。吾輩小臣。焉能參與。
只索自盡厥職。利害不更計矣。

(桂枝香)端癡剛怪。專心排外。
倒也罷了這兩

個人尙陰存廢立奸謀。爭計較朝綱墮敗

是天生禍胎。是天生禍胎。
眼見得樞廷全

壞。
誰承望人民清泰。
又怎知我是上阿坐

困在瀛台。
我輩數人汶汶生何樂。
沈沈死也

該

〔小生末太息〕介。柳公所言切中時弊。此別
不知相見何日。〔外〕正自難知。〔小生末把盞
介。〕柳公珍重飲此酒也。

〔新水令〕〔小生〕從今眼底人千里。〔末盼音書倘貽
雙鯉。〕〔外〕國難橫心裏。〔合〕只恐怕賊臣奸計
殺陳李。

〔外〕酒多了。汝看斜陽在山。不如趁此暮色。
搖向六橋。徐徐入城。不好麼。〔衆起介。〕說得
有理。就此下船。〔內扮舟子擲舟出介。〕〔三人

湖波嬌軟畫船輕。外煙柳沿隄語暮鶯。末
風物豈知人惜別。小生杭州迴首不勝情。外

第五齣

憤奸

場中懸空
白堂額

(外冠帶上)(南普天樂)

莽乾坤屯神怪賽

和坤過鰲拜瓊華島鎖斷陰霾問何時

囚脫瀛台下官林啓表字迪臣侯官人也早年

科第由翰林轉入西台中歲功名得京察出官

杭府到官以來，興辦學堂三處，立蠶學館一區，職小官微，所得不過如此。幸浙西人士，人人悅我所爲，卽惡棍土豪，亦經下官懲治不少。上峯禮重，謂我是個儒生，紳董輸誠，知余不會枉法。近聞內中有廢立之信，且剛毅柄國，一味仇洋，佐以羣小，將大不利于皇帝。下官旣卸言職，不能抗疏鋤奸，長日抑抑無聊。如何是好？今日約連蔚閣小飲，並請高媿室相陪，少解國憂。用聆雅教。或且銷過此長日也。看狂濤澎湃，空將

淚眼揩 却恨留台非久 白簡難裁

〔貼上〕稟爺連老爺同高師爺到。〔外〕有請。〔末〕吟集數過虛白室。〔小生〕家人小住仰蘇樓。〔合〕迪老公務稍閒。今日風日晴美。本計一遊湖上。猥蒙見招。不敢不至。〔外〕弟憂心如焚。無可排遣。故邀二君一聚。〔末〕迪老想聞廢立之言。用是戚戚于中。動搢不能。傷心無濟。〔小生〕方今可任大事。惟一劉峴村。迪老胡不陳書劉公。請其諫阻。〔外〕聞劉公已

有電與龍鍾華矣。吾意廢立可免。而仇洋之禍。正未有艾也。(飲酒介)(外)

(前腔)數樞臣 奸邪半 與兵謀 多奄宦

軍機柄屬了親藩 主仇洋偏有漪瀾 我想

這兩入少不更事。那知大計。好好一个局面。將被他弄壞了。那一班無識之人。儘驕王使喚

猖獗狴狴 只恐蕭牆禍變 教我心寒

(外作心痛伏案介)(小生大呼介)(末)此是怒

氣攻心。人來。(生貼扮公子四人擁上)爹爹

醒來（小生）公子可扶尊公入內將息一面
延請醫生。（衆）是是。尙請夫子爲學生作主。
（小生）無妨。無妨。（末）太息（介）媿老。汝看迪公
此病如何。（小生）國憂傷人。一至于此。迪公
真足令人起敬也。

眼中今日見誠臣。

（小生）

胡媿當年史道鄰。

（末）

不測風雲寧可料。

（小生）

此君已足張吾閫。

（末）

第六齣

哭血

幕場
高上懸空白堂匾素
懸香燭皆素

丑上。差役官中奴僕。卻有些些

威福。辦案牙如虎張。見官頭類龜縮。巴結
門上紅人。恭惟匪所不足。年節進貢禮儀。
板鳴藍棗風肉。標差總得頭名。威風令人
駭服。家中畜養白役。鄭二李四王六。近來
時運不佳。剛剛碰着九牧。老爵不開棹面。
原差只好喝粥。誰知一病不起。去似冲天
黃鵠。後任或且活動。不至十分箝束。今日
府中開弔。布按撫台提督。少爺是箇窮人。

只好挨餓勞碌到底好官可憐。背後人人佩服。可笑一班屬官。進來假啼假哭。實在來陪撫台。禮畢。此南彼北。吾輩今日當差。也算一場結束。在下府差劉八。今年五十八歲。伺候過無數官員。獨這林大人一清如水。我等捱餓辦公。倒也情願。聽說林大人因甚麼戲力。憂憤而亡。戲子那有這們力量。把一個官員弄死。令人納悶。聞今日撫台有事。下午始到。故伺候官員亦稀疏。

得狠。我不免同夥計在此吹些大煙便了。

(未素服上)(榴花泣)

西湖春黯 勝集忽銷沈 披靈

幄 悼人琴 難描憂國一番心 談時事

款款深深

難道是煩惱自尋 天哪老文山

卻待梅邊臨

此後縱有艱危都不關我公之

事了。想後來朝議紛綸 料難驚夜台高枕

卑人連書。今日爲迪公受弔之辰。聞媿室
痛哭不堪。亦痛臥多日。我不免先至仰蘇
樓。看過媿室。再同哭弔。

(小生帶病素服上)(前腔)知心人渺臥病已連朝眼

中景盡無聊牆陰殘雨滴芭蕉咳迪公

迪公汝亦太傷心了何長策能挽衰朝曉

蟾沸蜩立消亡這事誰分曉眼看他禍

起蕭牆漫便平讀宜一羣宵小

(末)媿室愈否(小生)慰問汝來過早各官今

尙未到官場勢利令人欲笑(末)管他則甚

趁彼官員未到爾我先至迪公靈前哭奠

一番免得人多時不好說話(小生)有理(行)

介（丑持刺通報介）（上香奠酒介）（哭介）

（前腔）（末）先生心苦 醜沮奈他何 憂皇室

染沈疴 鬚眉前已白來多 論天意只合由

他 （小生）天方薦瘥 整乾坤 那得曾胡左

（合）願我公天上陰靈 饗杯觴惠登靈座

（外作老贊禮引孝男出謝介）（下）

第七齣

團圓

（副淨扮蓮台上）（剔銀燈）咱旗人 本穿爹更食娘 掌

兒上輕輕生長 忠君報國常來講 又誰知

空中虛象 咱本意所愛呵 龍陽 更喜的不

過這米湯 難道是我們說謊

下官杭州運司施傑是也。久久聞得此是
美缺。上託王爺福蔭。補了此官。長日裏受
這鹹大使巴結。倒也有趣。但是下官不會
算賬。幸有舅兄福壽。頗會持籌。請他來此
幫忙。來。舅大人往那裏去。（應）昨兒已到江
干。（副淨）又來了。汝等待舅大人回來。與我

稟報一聲。(貼)乍。(虛下)丑。(丑上)江干春夢驚潮醒。天上綸音送喜來。鄙人福壽吏科筆政是也。從姊夫到此。代管賬房。倒也得手。一年弄出萬把銀子。大半花在江干姊妹身上。這倒不在話下。今早到衙。得了上諭。內中延請大師兄。作起五雷正法。砲打不入。刀砍不掉。端王。莊王。瀾公。主持滅洋。嘖。嘖。真是我主洪福齊天。出此異人。我不免報與姊夫知道。

(前腔) 他天心法書符調鬼兵。口兒裏常常祈

請。紅燈照法尤奇警。美人步空中幽靚。

休驚。管甚美德英。都算賬。教他敗興。

姊夫。好了好了。(副淨驚出介)何事。(丑)姊夫

有所不知。朝廷洪福。生出異人。請通天教
主師傅鴻鈞道人主壇。更有濟顛祖師。用
佛法幫助。刀砍不入。銃傷不了。咒語一動。
洋樓立時起火。此外又有紅燈照仙女。及
黃蓮聖母。都降凡間。眼見得洋人掃蕩。太

平無事矣。(副淨)怎見得。(丑)上諭在此。(副淨)

讀介(大笑)介當真好了。我們同官。只有杭

守林迪臣。專信外洋。幸他作古。來打轎往

拜臬台。(雜扮阜隸四人擁上。繞場下。)

(老旦扮臬司上)(三棒鼓)前年啣命出神京。不道臬署

如冰也。形相太冷。孝娥井清。風波舊亭

立法院。堪憐對影伶仃也。休題命星

休題命星

旗籍曾登進士科。京僚無計奈貧何。匆匆

陳臬江南去寒相依然理則那下官龍泉
坐曹辛苦補得此官妻子咸欣欣有喜下
官則落落如恆究竟總有開藩之日姑且
坐以俟之昨閱邸抄並讀上諭內中大有
舉動用天仙之力與洋人決一大戰到底
端王有胆實則剛毅多能今滿城文武只
有運台學台大加贊成其餘漢官正自難
信此事須待運台一問（貼扮門子上）啟爺
施大人來拜（老旦）有請（相見介）（笑介）（副淨）

龍公知天下太平在卽日麼。

（前腔）誅洋如喝一杯茶 那怕電網雷車也

千仗萬馬 他不過佛光展些 燈光放些

法鼓搥都教轉彼娘家也 紛如亂麻 紛如

亂麻

（老旦）果如此麼。（副淨）上諭可信。且聽說剛

子良尙書尙有信與學政。歷道其詳。如此
神奇之事。可惜杭州林守不見。一見亦足
令彼佩服。（老旦）還有一人。亦是二毛子一

派此人恐怕上諭到時不肯動手倒也可
慮。(副淨)是誰。(老旦)西安縣知縣吳德繡不
是麼。(副淨)不錯不錯。尙須老哥嚴札令彼
照山西毓賢一採辦法才好。

(尾聲)

仙雲成陣把帝京遮那聖母黃蓮象女

媧

(老旦)今日纔知道人間降得神仙駕

自古蠻夷忌亂華。老旦時時邪教敢傳耶。副淨

從今一筆勾銷了。老旦上海天津勦老家。副淨

第八齣

抗檄

丑扮兵
備道上

(月兒高)

世爵名高 富貴致身早 拜命

臨東浙 堂堂巡道 聽說朝廷 天兵大伸

討 恨只恨我身將種 未能納靴刀

下官苞藻夷夔府人也。以先人百戰東南。

得有五等之爵。下官依階平進。得爲巡道。

昨奉省中大帥急檄。云是奉旨。將所有教

士教民。一概斬首。我却膽小。不敢舉動。已

請西安縣吳德繡前來商量辦法。來。汝傳

西安縣吳老爺到此。吾有交派。（貳）曉得下面聽者。大人有話。傳西安吳令入見。（外）冠服上。西安縣知縣吳德繡進謁大人。（丑）請坐。（外）謝坐。大人有何分付。（丑）本日得省中嚴札。云已奉旨將郡中教士教民一起殲滅。以清亂萌。（外）大駭。（介）大人這是那裏說起。

（北罵玉郎帶上小樓）他多大工夫敢滅洋。全胡鬧。恣跳踉。只有包頭赤布日焚香。扇妖氛。

觀者如牆

卑職早有所聞。長夜喊人燒香。潑

水。聲音慘厲。如鬼師之叫魂。而百姓唯唯。聽師

兄主張

聽師兄主張

瞧着他畫靈符。燬

了洋房

只可憐無故衙坊。與洋樓左近者。付

之焚如。寄妻兒何方。寄妻兒何方。那箇憫

窮黎冤狀

那箇說團民混帳。好江山誤了

端剛

好江山誤了端剛

居然看皇塗荐沮

顛倒朝章

這賊心腸。僉邪教。肆意狂

猖

恨卑職手無權力。把這鐵布衫。紅燈照

一一掛頭顱市上

(丑)抱頭掩耳不聽介。汝好大膽。敢與廷旨
相抗。(外)大人這怕是矯旨。皇上天亶聰明。
決不爲此糊塗舉動。(丑)這話更糟了。汝今
且安靜。奉上司意旨。與紳董商量。分頭將
城裏城外。教士教民。誑成一處。不分少長。
一起斬刈罷了。(外)外兵一來。何人擔當。(丑)
擔當自有撫台。與汝何干。(外)若辦起戎首。
卑職取罪不起。大人尙宜三思。(丑)汝大有

本事只管汝一人辦去。我這道台是承上起下。縱鬧出事來。汝總要擔點干係。我在中間。罪不及我。（外）大人主張甚是。只是卑職萬萬不能擔此沈重。（丑怒介）吳令。汝當真不行麼。（外）求大人三思。（丑）我起家少爺。實不曾作過大官。一切還是汝老州縣。有些主見。全仗全仗。我早起感冒。恕不奉陪了。（獻茶介）（外大笑介）（背介）我今日豈不是明明見鬼麼也罷。且把文書擱下。再作哩。

論

第九齣

羅挑

上淨
(普賢歌)

通番多半是紅鬚 膽大公然抗璽書

悄地信耶穌 滿將消息輸 這事張揚

爭肯放汝

俺西安貢生。羅楠是也。由廩膳生出貢。是
當今有名訟師。買昭信票報捐。卽他日復
設訓導。縣中本無大紳。卽有亦不過老大

飯桶。因此一切鄉事。均俺主持。昨見都司周之德。他說北京已定議。將洋人殺盡。且有義勇之團民。同心報國。老佛爺大喜。傳旨四方。殺淨洋人。以清後患。聽說山西毓撫台。辦得十分得手。耐耐這縣尊紅鬍子吳德繡。公然抗旨。將上諭擱下。不辦。這還了得。我想如此大事。上有朝廷作主。下有百姓脅力。何怕洋人不滅。今亦不必借重官中力量。總計縣中傳教西人。不過十數。

我們出其不意。遇一箇。殺一箇。遇兩箇。殺一雙。不費吹灰之力。立時可以乾淨。然後再與這紅鬚算帳。辦他通番抗旨之罪。料也無辭答應。（淨）且道台苞藻夷是箇闊少。愛錢惜命。亦不在俺心上。用大話一嚇。立時投降。唯這紅鬚子。十分可惡。平時向之討案。十不得一。倒說俺是箇破靴黨。動不動。就要斥革。今日趁此機會。率性與他分箇黑白。仗人多口衆。亦不能指出主名。把

他砍了。亦只當得衆殺。難道要我償命不成。有理有理。今且徧請學中朋友。在城隍廟商議後。赴縣與之理論。便了。(阿三來)(丑)在。(淨)汝可通知城隍廟聽差。發傳單徧請城中紳董。赴城隍廟議事。(丑)是是。是是。(前腔)(淨)看來天意右清朝。眼見妖氛指顧消。教士把頭梟。教堂將火燒。殺盡西人寧辨老少。

(丑)諸紳董已齊集廟中。請老爺卽刻赴議。

(淨大笑介) 汝看人心如此天意可知今日之舉不惟可以上報國恩且亦自了私憾紅鬚紅鬚汝可要留意也(虛下)

外貼副淨老旦
紳士上合旦

(風入松) 朝廷立了大阿

平韻哥

穩穩

他千秋御座

汝這混帳的紅鬚

逆天悖主通

番貨可算得心敲謀左俺焉得寬饒着他

衙門前

先將他辦兒拖

(外) 請了(衆) 請了待羅先生到來議定與這

紅鬚算帳今且先到裏邊小坐請請

第十齣

周愚

副淨司行裝

(三學士)

誅教機宜操得穩
那須皺皺

文文

下官周之德。西安都閫府是也。吳柳村

本我拜把兄弟。無奈他性質喜新。倒去祖護洋

人。方今朝廷有命。將洋人殺掉。老吳竟將上遊

文書措下。此干係我却當不起。今日城隍廟大

家公議。要與老吳作對。恐怕這亂子鬧得大了。

本要通知。又恐爲紳董所知。擔起干係。不如聽

他便了。宦場交際原冰泡。一到艱危手便分。

衆怒難撓。須鬼混。且袖手看風雲。

（丑持貼上）這裏有人麼。（貼扮兵丁）何人。（丑

紳董在城隍廟請周大老會議要事。（貼少

待啟爺。紳董在城隍廟請爺會話。（副淨驚

介）如此怎的。我若不前。便與老吳同禍。以

爲袒庇洋人。若與議此事。將來亂子鬧大

了。我也不免受累也罷。急則治標。緩則治

本。古語所謂現火難燒。不如去罷。（行介）（與

衆相見介。（淨）周大老。事到如今。我意同衆
先至道署。控告吳鬍子。准後。我們大衆擁
入縣署。將這通番庇洋之人。抓出碎尸萬
段。然後宣旨。將洋人殺淨。此是上尊朝廷。
下救黎庶。正合春秋尊周攘夷之義。周大
老以爲何如。（副淨）只得如此辦法。（淨同衆）
拍手介。

（淨四邊靜）他發來上諭說沒有全靠他一隻口
極意媚洋人。偷伸擎雲手。（衆）總須夠受

休教他走。捉將一夥人。挨次盡梟首。

(副淨) 既諸公高見。吾亦莫贊一詞。告辭了。

(衆) 周大老。我輩若動手起來。大老不要念着官場。題起通譜。前來幫助。致干未便。(副

淨) 下官怎敢。(下)(淨) 諸君今日局面。雖屬一

郡義舉。然亦關係全國。一力進前。勿計禍害。天下事畏首畏尾。斷無成事。我羅楠堂。堂男子。亦是扶清滅洋。一箇好漢。幫助端王爺。剛中堂。行事事。成之後。或且上達天

聽。大家尙有保舉。我宦情如水。本無多求。得以訓導。升除教授。爲府學領袖足矣。(衆大贊介)羅先生槃槃大才。莫說教授尙是奉屈。要作府道也不難事。(羅大笑介)如此叨諸君之福不少。大家就此同赴道署。面過苞道台。再與紅鬚子算帳可也。(衆有理)

(下)

第十一齣

圍署

(北朝天子)(外)這成羣狗才 釀朝廷大害 怎輕
輕借了刀兵債 縱得汝本領通天 又何至
不分皂白 我又聽說一箇老頭陀能乾海
貝勒王公 低頭迎拜 却把舊皇都做了妖
人砦 騙人同小孩 騙人同小孩 滿城中
沒命粧妖怪

下官吳德繡。昨往道署。面過苞大人。聽他
說了一番話。令人氣得要命。左道無濟。此
不待智者而知。這一班旗人。目不知書。崇

信邪說。倒也不怪。怎漢員頗懂些書。下至此間紳士。亦全然不曉。一味胡鬧。似乎北京之交民巷。及天津。上海。漢口。各租界洋人都盡于此。滅了這三處洋人。洋種立時淨盡。汝道好笑不好笑。乍門子來說。羅楠諸人。已在城隍廟議事。將與下官爲難。我想此亂鬧得不小。下官身爲民牧。若懼禍隨之仇洋。終無一箇好結果。不如極力撐拒。一面開導。使之覺悟。保全大局。若其不

然下官這一條性命也萬萬顧不了也今
且喚兒子出來。囑其保護家小。下官若有
不測。必不可令我老母驚慌。韜兒那裏。

生（金永念）人在松陰多處。裁量小瑤箋。惜惜

庭館。一縷茶煙。正在檢叉兒將畫展。慕

地裏。呼喚聲聲。教我心寒。（見介）父親有何

分付。（外）妖氛蓋地。賊燄燒天。我全家生生

死死。只在眼前。

（生）爺爺怎說。（外）汝還不知麼。羅楠糾合多

人將與我拼命。謂我袒護外洋。違抗廷旨。
(生)難道周伯伯沒有兵來攔阻麼。(外)彼此
已通一氣。(生)哭介。然則大事不好了。(外)癡
兒好騃。忠臣胡憚一死。惟我有不測。汝祖
母年高。可仔細將護。(生)哭介。兒有一身殉
父而已。(外)怒介。癡兒。汝敢不遵吾命。(生)跪
哭。無言介。(淨)率衆持械上。發喊繞場下。(外)
驚介。(貼)扮門子奔入介。老爺大事不好了。
羅楠率衆。弄刀把銃。團團把衙門圍住了。

（外）知道取我衣帽來待我見他（生哭扯外）
（外）笑介癡兒事已至此脫亦不了吾已定
主意今且同爾一見祖母再作理

不圖小醜敢狂猖

（外）

佑我全家仗彼蒼

（生）

垂老何妨身死國

（外）

只能追步桂林霜

（生）

第十二齣

罵賊

淨領衆上（粉孩兒）

熊熊的我心頭騰烈火把紅鬚

梟首永銷洋禍教中人充塞如許多到

今朝爭肯饒他

大衆聽者（雜）請先生發話（淨）

作勢唱介這紅鬚多半是霑上風魔

莫要叫

他一夥兒妻小全活

我們闖入宅門把這可惡門子先砍了（貼）

門子上（淨）用刀砍死介（外）惡賊汝敢在縣

門殺人麼（淨）紅鬚子汝死期至了那還不

悟（外）哇惡賊汝道本縣私通外洋公然在

青天白日之下闖入公署殺人恐怕事到

臨頭爲悔已晚

〔北收江南〕儘強梁 到地鬧聲高 便擡頭洞腹

爭損我毫毛 我看汝這一班頑賊醉生夢

死自取禍殃我愧身爲長官不能訓導汝輩把

一窩頸血洒蓬蒿 最傷心汝曹 最傷心汝

曹 似紛紛蠅蚋墮腥臊

〔淨〕汝的話碎得緊我不喜聽且隨我見苞

道台去聽他號令發落其實汝今日總沒

得便宜〔外大笑介〕

〔前腔〕這先生腐氣類尸居 便天翻地覆那閃

躲 汝悍如獍狗蠢如豬 配上這道台 愈鬧

得一團糟了 萬難移下愚 萬難移下愚 待

洋兵到了一城墟

(淨) 嘎嘎 汝這話顯得是通番無疑了 衆來

把這奸細縛上 (衆縛外介) (外跳罵介)

(前腔) 汝孤豚咋虎枉猖狂 我吳髯一死也流

芳 抱銅章 拖 墨綬就刑場 看魂歸九閻

看魂歸九閻 只怕汝 西安頑賊要精光

(淨大怒介) (麾衆招外出署介) (副淨扮周都

司騎馬相遇介。(外)周大哥那去今日之事。
汝說如何。(副淨不答介。(外)周大哥汝也從
賊去了。(副淨)人多口衆。小弟不能爲力。只
好聽彼所爲。(外)小人哉。(副淨作鬼臉下。(淨
到此已是道署。(衆發喊請道台介。(丑)衆位
紳董。到此何事。(淨)請道台令旨。將此奸細
斬首。(丑)我做不得主。衆位既有主意。卽從
尊便。(衆)好了。道台答應了。兄弟來。將紅鬚
子結束。(外)苞大人汝好主意。(衆斬外介。(丑

掩面不觀介。（淨）奸細已死。我們可焚燒教堂。殺盡教士。（丑）大家須仔細。不要累我。（衆）自有朝廷擔此大任。我輩且行吾事。（衆大
笑下。（丑）嚇煞我也。（以手抱頭奔入介）

第十三齣

殉親

上生（山坡羊）亂哄哄當不來的蠻野。黑沈沈終不
明的長夜。把衙門當一個的監牢。響喉嚨
吐不盡的淋漓罵。說老爹通番要斬剛。

借朝廷聖旨來敲詐。儘着汝百種開陳沒擋。
遮天耶。眼見徇搜鬼載車。爹耶爭解兒心。
亂似麻。

小生吳仲韜。生命不辰。逢此大亂。縣中紳
士串同土匪。將爹爹擄去。想來凶多吉少。
小生欲立時奔赴父側。無奈縣衙前後圍
得水泄不通。中間有一个挑水老人。尙屬
善類。小生託其打探消息。尙未見其來報。
如何是好。(貼)極天禍事至。報與少爺知。(入)

介 少爺大事不好了老爺被羅楠諸人殺

斃。(生)當真的。(暈介)(貼)少爺醒來。(生)

(三疊引)俺俺俺驚魂飛去沈還起 屢我的爹爹阿。

事業從今畢矣 怎的語重闡 拚着刑場同
死

(生)朝內叩頭與祖母別介。(披髮奔出介)(雜

拔刀攔住介)賊子往那裏走。(生)哇。汝這狗

強盜。把我父親殺害。我要這命何用。奔到
城隍廟前。與我父親同死一塊。難道我吳

仲韜堂堂男子。肯偷生逃遁邪。（雜大笑介。）
好好聽汝去。（雜拔刀隨行介。）（生行哭介。）
（前腔）心頭奇痛穿飛箭。狗吠驢鳴一片捧
出血華鮮。來洗亡親尸面。
（見尸伏哭介。）天乎。吾老父也。（啜啜頭在這裏啜啜腹洞矣。啜啜手斷矣。天哪。天哪。吾親何罪。遽至于此。大哭介。）（淨）是何人在此
痛哭。（雜）吳賊官之子。（淨）把他砍了。（雜殺生介。）（淨）天堂有路汝不走。地獄無門汝進來。

大衆聽者。此次殺死賊官父子。原是奉有朝廷旨意。惟罪案未定。不能找出賊官可殺憑證。後來頗覺費手。聽說賊官活時。與康有爲往來。今我們闖入內眷。若能搜出私通康黨手迹。以後事便好辦了。諸君以爲如何。(衆)有理。(繞場行介)入署搜。(淨)好了。好了。康有爲書信在此。大家可以無事。今且留其老母少子勿殺。以示我輩體上天好生之德。(衆)羅先生真仁德君子也。(淨)

俺本是慈善家，豈肯爲已甚之舉。今且同赴教堂，殺洋人去也。(下)

第十四齣

戕教

音場
堂上
區縣
福

(雜扮男女教民上)

(懶畫眉) 柳暗槐深福音堂

皈禮耶穌過十霜

誰知奇禍降無方

把

利刀

砍了吳公項

看看要殺到我這裏了

我輩纖

柔那遁藏

(外)請了。(雜)請了。

(外)聞說吳縣尊已被紳士

諸人殺了。謂彼袒護我輩。刻下風聲已緊。
馬上紳士率領打手圍此教堂怎好。（老旦
小旦同說）大家祈禱上帝罷。（衆跪介）（淨麾
衆入殺介）（洋人男女十數人奔出介）（淨揮
衆一一殺盡介）（淨作勢唱介）

（南普天樂）小洋童 腸拖引 老洋婆 頭顱滾

神壇下血濺衫裙 上天堂高駕祥雲 哈

哈。汝這教中善男信女。今日是汝往見上帝之
期。珍重珍重。願汝一路平安。大衆聽我道來。伸

年來積忿 今朝黑白分 儘有朝廷做主
興起三軍

〔衆〕羅先生快人快語。令人佩服。尙有洋婦
數人。已向水邊逃去。〔淨〕遣人分頭追斬。務
要斬草除根。哈哈。今日始出我胸中不平
之氣。〔衆打掌介。〕先生真英雄豪傑也。〔同下〕

第十五齣

滿議

〔副〕（駐雲飛）義胆忠肝 自此神州要治安 哈哈

汝看。既剗胡雛眼。爭把胡姬鬢。嗟。遺醜乞
生還。自家先亂。撲盡妖氛。教種全糜爛。

總教彼。窺擾中原萬萬難。

下官運司施傑是也。乍得西安探報。好一
陣義民。把西人盡數誅滅。百餘年來悶氣。
今日大伸。本待折柬張筵。通請官場一聚。
無奈此間教民教士。及醫生領事。種種尙
存。耳目衆多。恐生不測。且中峯老悖。不審
兵謀。下官擬同龍臬台。文學台。急募杭勇。

數營以抵制外洋。決策已定。且到臬署商
量一切。來排道往拜臬司。（雜）四个扮皂隸
繞場下。

上老旦

（瑣窗寒）

臬司官況冷清清。北望家鄉又苦

兵

我旗人阿文韜武略。空擔虛名。平空

找事。但憑高興。謬慷慨敢言本領。堪驚

西安鬧得太猙獰。要提防不好風聲

下官臬台龍泉。聞說西安殺害洋人。此事
倒也痛快。惟是杭州與上海一水之遙。上

海之禍根猶存。雖殺盡西安洋人何益。倒是這紅鬚吳德繡可惡。居然通番。此則咎由自取。我何能辦起義民。一則違抗廷旨。二則激動民心。取罪不少。今日要着。只好裝作糊塗。上半推在撫台身上。下半只說民氣囂張。下官既無戎首之名。亦不致干未便。好好。我只有這箇主意。(貼上)啓爺。運台來拜。(老旦請。相見介。副淨)老哥汝尙不知西安紳士作一痛快之事麼。(起唱介)

(啄木兒) 他書生隊 殺戒開 義氣包身同鐵鎧
手如箕挽了仇頭 那思量來日收台 從
今全國齊排外 從今全國無洋債 都是這
一夥斯文幹出來

(老旦) 這倒不錯。倘上海洋兵進來。如何是
好。(副淨) 吾意即刻募兵。文學台亦有此意。
須看中丞意旨。再作商量。(老旦) 是是。內中
便飯已便。請兄小飲。但是寒素。不比吾兄
豐腆。(副淨) 豈敢豈敢。

終竟書生胆氣麤。

副淨

無才該死笑紅鬚。

老旦

眼前似有承平象。

副淨

且醉金華酒一壺。

老旦

第十六齣

杭警

外龍鐘
服上

(玉井蓮)

教案煩難

筦封疆苦真千般下

官浙江巡撫柳士東是也。老病頹唐偏生遇着

教案。西安紳士居然把洋人殺了許多。那朝廷

旨意當初下官亦有些可疑。意吳令乖人能勾

敷衍百姓。一面通風洋人。將其放走。那曉爲紳

士知覺。合吳令大過不去。因而戕官殺教。亂子
鬧得天大。而臬司。運台。學台。還高高興興。要募
兵抵抗洋人。下官雖老悖不堪。也知此事萬做
不到。果然接得上海總領事照會。勒限要取兇
手。好在吳令被戕。倒不是官中串通。無奈這苞
藻夷。十分混帳。與周之德。坐視不救。下官今日
自顧名位。只得行文答覆領事。照辦。一面嚴札
取羅楠一千人犯到案。便了。來（羅）着（外）汝請老
夫子。火急辦稿。飭臬司傳集人犯。在杭府發省。

處派委員二十四人。輪流會審。不得有違。（雜）是。

（外）

（畫眉序）大政付驕王。元翰兇獍更無狀。把神

京鼎沸。養他祇黨。先朝法萬種都丟。鬼

魅事一場胡講。下官阿頽唐老景圖行樂

誰又想添上幾層悲愴

昨宵中酒。今日尙帶些眩暈。且去將息些
時下。

第十七齣

鞠囚

外末
問官
淨同
丑扮

(駐馬聽)

(合)腐謬酸丁

賠了夫人又折

兵

(外)下官長興縣知縣黃菊生是也。(末)下官

平湖縣知縣李泰是也。(淨)下官金華縣知縣呂

柏是也。(丑)下官仁和縣知縣伊東是也。請了。(衆)

請了。(外)奉憲檄會審西安鬧教戕官一案。人證

卷宗已齊。就此赴所開審便了。(衆)聽從尊便。(外)

他這些人。不風生浪。响沫迷天。謀亂焉成

且宵中行動類魑魅。戕官殺教求僥倖

〔合〕國法難容 要須全郡償他命

〔外〕到此已是來傳諸囚入訊〔淨枷鎖上〕

〔玩仙燈〕努力報皇清 鬧聲高却生出一場毛病

鄙人羅楠生平自負俠氣代抱不平就中靠之喫飯已過半世當吳太爺在日對之討案數次抗聲不答因此有城隍廟之議小小出我胸中之氣不意鬧得太高興朝廷都不認賬倒推在卑人身上今日庭訊免不得受些苦頭只得抵死不招卒亦無奈我何〔雜扮差人前行介〕啓爺

羅楠當面。(外)羅楠(淨)哨。(外)汝好大胆。敢將吳老爺父子殺死。並殺教士數家。教民數十。從實一
一招來。(淨)犯生不敢。(外)不動刑法。料汝不招。把
他夾起。(雜)哨。(淨)上天平架介。(暈介)(噴水醒介)(淨)
青天容稟。犯生實實不敢。(丑)再來。(淨)復暈介。(雜)
復噴水介。(淨)腿折了。(外)帶去明日再審。(雜)是。(外)
帶周之德上來。(雜)着副淨枷鎖上。

(番卜算)初意慕蟬貂 自命廉頗趙 咳我周之

德。千不合。萬不合。首鼠兩端。把賢弟吳柳村斷

送城隍廟外把頭梟

(搖頭介)思量兀自心驚

跳

(雜)汰還不走麼。(副淨無語行介)(雜)啓爺周

之德當面。(外)周之德。汝身爲都閫。手下掌
有數營。奈何不行彈壓。縱恣亂民所爲。迹
本通同。心懷叵測。汝知罪麼。(副淨)青天容
稟。

(前腔)全郡鬧聲高。所轄兵丁少。道台不語

聽他糟

犯官那能彈壓得住。只索台前聽罪。

願把功名掉

（外笑介）千日養兵，用在一日。兵丁雖少，威令尙存。汝就擺些架子，將他嚇跑。現吳家告汝挾嫌坐視不救，苞道台已經棄官而遁。此畏罪情實。我亦不能作主，請上峯命令施行。周老哥，我看汝似沒有便宜來。把周之德帶下。餘犯明日再審。掩門。

第十八齣

羅閣

扶淨上人（六么令）

嚴刑怎耐 醒驚魂淚眼雙揩

是前生孽果應該 陰錯合 巧安排 何期

全局須臾敗 何期全局須臾敗

咳我羅楠明明白白一箇乖人怎麼忽然
動起國家思想一力仇洋那曉這端剛兩
箇東西有聲沒氣全不濟事俺以爲殺了
紅鬚內中必然獎我殺了奸細孰知被外
人質問倒反辦起自家人來昨日受了兩
頓夾棍弄得一佛出世二佛涅槃我想招

供也死。不招也死。爲今作計。還是自盡爲
妥。無奈這獄卒。將我辮子褲繩。一起都去
弔死。可沒有家伙。呵呵。是了。當日椒山先
生。用破碗剗去腐肉。我亦照辦。將破碗自
加宮刑。去了這東西。血流不止。亦決然必
死。丟了下頭。保全上頭。總強似身首異處。
我如今。只有這箇主意。（強起四顧介。擲碗
介。自宮介。暈介。丑扮獄卒跑上介。噯噯。羅
楠下體通紅。是怎的。（驚介。東西沒有了。這

臭賊可惡已極。重犯自盡。累人不少。我這
命。看看要丟了。(天哭介。衆爭入視介。)禁子
大哥。事到如今。如今只索報官便了。(下)

第十九齣

斬德

末扮新上南普天樂 悄官齋 書填几 捲湘簾 茶

煙起 疎窗下檢校明詩 破工夫梟囚東市

要平心細論 却難爲這都司 俺不過當

官行事 又管他 誰是誰非

詩人例合住杭州。看到秋濤已五秋。今日
却教陳臬去。輕輕紗帽竟籠頭。下官許錚
漢。由進士出身。以道員分發浙江省分。長
日遨遊山水。倒也清閒。上司重我詞華。大
加青眼。此次龍君以仇洋之故。與上峰同
加處分。以下官權授臬司。不想攝篆未久。
明日卽須監斬犯官周之德。聞說周吳本
屬拜把兄弟。不料西安一闔。竟坐視不救。
我想舉城皆動。救也不來。不過老周無胆。

貪生孰知貪生卽是喪生之地。輕輕把性命弄掉了。以吳家難眷。敲定不放。倒也無法可想。其餘尙有十九人。皆由發審定案。中有貢生附生不少。遲日監斬。自屬仁錢兩縣。不關本司之事。唯犯官臨刑。本司不得不行。今且靜俟兩縣來稟罷了。_(下)

貼子扮周上之
（二郎神）

公堂上
綰鐙鎗把衰親推問

有萬種冤情難自認
不過虛無縹渺居

然弄假成真

咳。可憐阿。可憐我老父。褫去衣

冠啣白刃 叫孤兒如何能近 淚紛紛 到

今朝俺真成釜底游魂

難生周綺。吾父以柳村先生一案。被其家屬控告。又助以洋人指名追索。問成死罪。今日是歸天之日。難生肝腸寸斷。一步一步。跌來到府監之前。倒遇一夥熟人。爲難生用些錢鈔。入監得見吾父一面。背面說介難生倒懷得阿片一匣。在此密上吾親。俾藥力發作。受刑不苦。天哪天哪。我周門竟

到此田地了。到此已是不免竟入。（丑扮禁子疾上攔介）哇。你是甚麼人。此是重地。如何亂闖。（貼）禁子大哥。吾不曾託李伯伯劉伯伯與你說過麼。（丑）阿。汝是周大老少爺麼。李二劉四都已說過。不妨進探老太爺。惟是時候不早。大家要伺候了。（貼哭介）爺那裏。（副淨枷鎖上）兒阿。爲父在此。（父子抱哭介）

淨副

（集賢聽黃鶯）

天公着意巧安排

這慘獄奇哉

我怎曉得衆與吳髯天不戴竟平空漲起風
埃登時俎醢我那有幫同謀害妄疑
猜無頭定讞難道死應該

(貼)爹爹事到如今辯亦無益孩兒不孝帶
得芙蓉膏在此請爹爹服用免致臨時難
受(副淨哭介)(飲鴉片介)好了吾兒汝先躲
開我要走了(貼大哭介)(丑上將貼扯出介)
(副淨上綁介)(衆擁副淨出介)(末披紅轎上)
衆擁副淨繞場下(貼自囚車後哭送介)

(番卜算)驚悸欲亡魂 熱血心頭滾 人聲鼎沸

不堪聞 噯天哪 我命今朝盡

貼大哭暈介 雜扮周家僕抬下介

第二十齣

弔柳

場上白帷 幔供神牌 (末拈鬚微步上) (金絡索) 湖濱自縛柴 酒向斜

陽買 詩客行藏 本在清涼界 汝看 這葑

泥逐漸開 尺鱗來 柳影深深免曝腮 吾

生焉肯 把 貞方改 堪歎那吳髯 真箇淒涼玉

樹埋

遺箋在

這人還算濟時才

卑人連蔚閣。作客杭州。已經三載。縱情山水。倒足了我餘年。無奈萬事忘來。憂國之心不死。羣囂定後。懷人之緒旋生。昨日聞周之德已伏靈誅。而羅楠亦經鬼禍。吳髯之仇。可云報矣。今日約同高媿室。在此奠醑一番。未知媿室能來與否。須索一候。（虛下）

服小生素
上

（豆葉黃）

蕩輕舟到此

逐處聞簫

雖然

把亡友杯澆 還只怕非朝廷佳兆 汝看那

陰陰湖榭 總帷動搖 更有那杯盤圍繞

更有那杯盤圍繞 嗟連君已早到了 可剪紙

闌前 共把魂招

卑人高媿室。今蒙連君見約爲弔柳之會。

嗟夫。弔柳之會。本以追弔屯田。不圖今日

乃爲弔柳村來也。（未呼介）媿老無恙。（小生）

蔚老想已陳設。吾二人在此一哭如何。（未）

請同上香。（哭介）

生小

(金甌線解醒)

湖風送寂寥

難使泉台曉

幻泡

無情 竟把髯公了

(末) 前塵次第消 竹蕭

蕭 昔日雲栖相遇巧

(小生) 桂林霜唱歌聲

悄 這也算忠孝家傳史冊標

(合) 陰靈笑

趁鵲聲一路 歸蜀迢迢

(同拜介)(末) 媿室遠來今且到敝寓小飲來

(丑) 哨(末) 汝將祭品收拾我同高老爺先歸

汝隨後卽來(丑) 是

翠華西幸幾時回

(末)

瞬息孤山欲放梅(小生)

憑弔故人今不見末蜀中淪喪一詩才小生



中華民國六年二月初版

此書有著作權
必究

◎(蜀鵑啼傳奇一冊)

(每冊定價大洋壹角陸分)

(外埠酌加運費匯費)

編纂者

畏廬老人

發行者

商務印書館

印刷所

上海北河南路北首寶山路
商務印書館

總發行所


上海棋盤街中市
商務印書館

分售處

北京天津保定奉天吉林長春龍江濟南
東昌太原開封洛陽西安南京杭州蘭谿
吳興安慶蕪湖南昌袁州九江漢口武昌
商務印書館分館

長沙寶慶常德衡州成都重慶福州廈門
廣州潮州韶州汕頭澳門香港桂林梧州
雲南貴陽石家莊哈爾濱新嘉坡

05692



3.6
1-3